

**KJKP "VODOVOD I KANALIZACIJA" d.o.o. SARAJEVO**  
**V.D. DIREKTOR**  
**Izvod broj : 71/18-lot 1**

Sarajevo, 06. 9. 2018. godine

Na osnovu člana 64. stav (1) tačka b), člana 70. stav 1. 3. i 6. Zakona o javnim nabavkama (Sl. glasnik BiH br. 39/14) ), člana 27. Pravilnika o nabavci roba, vršenju usluga i ustupanju radova KJKP „Vodovod i kanalizacija“ d.o.o. Sarajevo, te člana 41. Statuta preduzeća, na preporuku Komisije za javnu nabavku broj 71/18 –lot 1 od 20.08.2018. godine, u postupku javne nabavke br. **71/18-lot 1 „Bunarski pumpni agregat za prihranjivanje za P.S. Konaci – Izvorište Bačevo“**, donosi se :

**O D L U K A**

o izboru najpovoljnijeg ponuđača

**Član 1.**

Prihvata se preporuka Komisije za javne nabavke o izboru najpovoljnijeg ponuđača broj 71/18 –lot 1 od 20.08.2018. godine i ugovor za javnu nabavku roba: „**Bunarski pumpni agregat za prihranjivanje za P.S. Konaci – Izvorište Bačevo**“– tender broj **71/18-lot 1** dodjeljuje se ponuđaču: **MZT PUMPI AD Skoplje**, ponuda broj **2018/211/MM** od **20.07.2018.godine**, za ponuđenu cijenu u iznosu: **49.025,90 KM bez PDV-a**.

**Član 2.**

Prijedlog ugovora o nabavci dostaviti će se na potpis izabranom ponuđaču: **MZT PUMPI AD Skoplje** po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

**Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**Član 4.**

Ova odluka objavit će se na web stanici [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 71/18 od 07.06.2018. godine.

Javna nabavka je provedena putem otvorenog postupka nabavke.

Procijenjena vrijednost javne nabavke za lot 1, bez PDV-a iznosi : 70.000,00 KM.

Obavještenje o nabavci broj 247-1-1-142-3-221/18 objavljeno je na Portalu javnih nabavki dana 11.06.2018. godine, a sažetak obavještenja o nabavci je objavljen u Sl. glasniku BiH broj 40. od 15.06.2018.godine.

Konstatovano je da je na osnovu Obavještenja o nabavci br. 247-1-1-142-3-221/18 od 11.06.2018.godine, proveden postupak javne nabavke putem otvorenog postupka, te je izvršeno javno otvaranje ponuda dana: 31.07.2018.godine u 13:00 sati, a što je konstatovano zapisnikom sa otvaranja ponuda br. 71/18 Lot 1.

Za predmetnu javnu nabavku dostavljene su tri (3) ponude ponuđača:

1. Ponuđač; MZT PUMPI AD Skoplje,
2. Ponuđač; D.o.o. „ENECO-EKOLOŠKI SISTEMI“ Bijeljina,
3. Ponuđač: „ELEKTRO UNIVERZAL“ d.o.o. Tuzla.

Navedeni ponuđači su preuzeli tendersku dokumentaciju sa portala javnih nabavki i samim tim ostvarili pravo učešća u postupku.

Dostavljanje zapisnika sa otvaranja ponuda izvršeno je prema ponuđačima u zakonskom roku.

Konstatovano je da je Zapisnik sa otvaranja ponuda dostavljen svim učesnicima u postupku javne nabavke dana: 02.08.2018. godine, te da od strane istih u zakonom predviđenom roku nije izjavljena žalba ugovornom organu.

Nakon izvršenog otvaranja ponuda Komisija je dana: 31.07.2018.godine pristupila pregledu i ocjeni pristiglih ponuda u formalnom smislu: oblika ponude (numeracija, uvezivanje i dr.), cjelovitosti odnosno potpunosti ponuda.

Komisija je utvrdila da dostavljene ponude ponuđača MZT PUMPI AD Skoplje, D.o.o. „ENECO-EKOLOŠKI SISTEMI“ Bijeljina i „ELEKTRO UNIVERZAL“ d.o.o. Tuzla ispunjavaju zahtjevane tenderske uslove prema obliku i potpunosti u smislu pripreme ponuda.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponude u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R.br	Zahtjevana kvalifikaciona dokumentacija	MZT PUMPI AD Skoplje	D.o.o. „ENECO-EKOLOŠKI SISTEMI“ Bijeljina	„ELEKTRO UNIVERZAL“ d.o.o. Tuzla
1.	<b>Tačka: 13 TD:</b> Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 4.	DA	Uvidom u dostavljenu izjavu iz člana 45. konstatovano da se izjava ne odnosi na predmetni postupak	DA

R.br	Zahtjevana kvalifikaciona dokumentacija	MZT PUMPI AD Skoplje	D.o.o. „ENECO-EKOLOŠKI SISTEMI“ Bijeljina	„ELEKTRO UNIVERZAL“ d.o.o. Tuzla
2.	<b>Tačka: 14.1 TD:</b> Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 5.	DA	Uvidom u dostavljenu izjavu iz člana 47. konstatovano da se izjava ne odnosi na predmetni postupak	DA
2.1	<b>Tačka: 14.1 TD: pod a)</b> Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude.	DA	DA	DA
3.	<b>Tačka: 14.3 TD: pod a)</b> <u>Original ili ovjerenu fotokopiju Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.</u>	DA	DA	DA

Hronološkim pregledom zahtijevane dokumentacije, Komisija je konstatovala da je ponuđač D.o.o. „ENECO-EKOLOŠKI SISTEMI“ Bijeljina u dostavljenoj Izjavi o ispunjenosti uslova iz člana 45. stav (1) tačkama od a) do d) Zakona o javnim nabavkama – Aneks IV; Prilog 4., i Izjavi o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 5., naveo broj i naziv lota koji se ne odnosi na predmetni postupak. U navedenim izjavama je navedeno da se iste odnose na: nabavku broj 71/18 Lot 2 "**Potopne pumpe za prihranjivanje za vodozahvat na Izvorištu Bačevo**", a u pitanju je postupak nabavke broj 71/18 Lot 1 „**Bunarski pumpni agregat za prihranjivanje za P.S. Konaci – Izvorište Bačevo**“.

Daljim uvidom u kompletnu ponudu ponuđača: D.o.o. „ENECO-EKOLOŠKI SISTEMI“ Bijeljina (ostalu zahtijevanu dokumentaciju, anekse, priloge) konstatovano je da se dostavljena ponuda uopšte ne odnosi na predmetni postupak javne nabavke iz razloga što se iz dostavljene ponude vidi da se ponuda odnosi na postupak nabavke broj 71/18 Lot 2 "**Potopne pumpe za prihranjivanje za vodozahvat na Izvorištu Bačevo**".

Konstatovano je da je na koverti u kojoj je ponuda dostavljena, upisano da se ponuda odnosi na postupak nabavke broj 71/18 Lot 1 „**Bunarski pumpni agregat za prihranjivanje za P.S. Konaci – Izvorište Bačevo**“.

U Zapisniku o zaprimanju ponuda i Zapisniku o otvaranju ponuda upisan je datum dostave ponude: 30.07.2018. godine u 08:50 sati i broj protokola: 456/18 pod kojim je ista zavedena.

Konstatovano je da je dana: 31.07.2018.godine u 13:00 sati, izvršeno javno otvaranje ponuda i u Zapisniku o otvaranju ponuda konstatovano da je Omotnica sa ponudom ispravno zatvorena (zapečaćena ili potpisana ), te da cijena iz dostavljene ponude iznosi: 45.000,00 KM te da nije ponuđen popust.

Utvrđeno je da u Zapisniku o zaprimanju ponuda i Zapisniku o otvaranju ponuda nije bilo greški proceduralne prirode prilikom evidentiranja dostavljene ponude i da je ista evidentirana pod brojem protokola pod kojim je zaprimljena, te da nije bilo propusta prilikom javnog otvaranja ponuda te da je u Zapisniku o otvaranju ponuda upisana cijena iz ponude koja je javno otvorena i pročitana.

Na osnovu koverta u kojoj je ponuda dostavljena i cijene iz ponude koja je javno otvorena i pročitana na javnom otvaranju ponuda se vidi da je ponuđač napravio grešku prilikom kovertiranja ponude.

Obzirom na navedeno, Komisija je utvrdila da ponuda ponuđača D.o.o. „ENECO-EKOLOŠKI SISTEMI“ Bijeljina ne može biti predmet daljeg razmatranja jer se ista ne odnosi na predmetni postupak javne nabavke, zbog čega se ponuda ovog ponuđača odbacuje kao neprihvatljiva, a sve u skladu sa odredbama članom 68. stav (4) pod j) Zakona o javnim nabavkama u kojem je definisano da ugovorni organ odbacuje ponudu i u drugim opravdanim slučajevima.

Komisija konstatuje da ponuđači MZT PUMPI AD Skoplje i „ Elektro Univerzal“ d.o.o. Tuzla ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtjevane dokumentacije, aneksa-priloga, konstatovano je slijedeće:

R.br.	Ostala zahtjevana dokumentacija/aneksi-prilozi	MZT PUMPI AD Skoplje	„ELEKTRO UNIVERZAL“ d.o.o. Tuzla
1.	<b>Tačka: 15 TD:</b> Pismena izjava ponuđača iz člana 52. Zakona o javnim nabavkama – Aneks VIII; Prilog 6.	DA	DA
2.	<b>Tačka: 16 TD:</b> Obrazac za ponudu – Aneks II; Prilog 1.	DA	DA
2.1	<b>Tačka: 16 TD:</b> Popis dokumenata uz ponudu koji čini sadržaj ponude – Aneks II; Prilog 1	DA	DA
3.	<b>Tačka: 16 TD: pod brojem 3.</b> Obrazac za obim isporuke – Prilog 3.	DA	DA
4.	<b>Tačka: 16 TD: pod brojem 9.</b> <b>Ostalo traženo u tenderskoj dokumentaciji:</b> Ponuda treba da sadrži tehničku dokumentaciju koja sadrži slijedeće: - hidrauličke karakteristike (Q-H,Q-η,Q-NPSH,Q-N <sub>p</sub> )	DA	DA

R.br.	Ostala zahtjevana dokumentacija/aneksi-prilozi	MZT PUMPI AD Skoplje	„ELEKTRO UNIVERZAL“ d.o.o. Tuzla
	- pregled ugrađenih materijala osnovnih elemenata pumpe - ugradbene mjere pumpe		
5.	<b>Tačka: 20 TD:</b> Obrazac za cijenu ponude – Aneks III; Prilog 2	DA	DA
7.	<b>Tačka: 31 i 36 TD:</b> Nacrt ugovora o javnoj nabavci – Prilog 8.	DA	DA
8.	<b>Tačka: 43 TD:</b> Povjerljive informacije – Prilog 7.	DA	DA

Komisija konstatuje da su ponuđači MZT PUMPI AD Skoplje i „ELEKTRO UNIVERZAL“ d.o.o. Tuzla dostavili ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da ponude ponuđača MZT PUMPI AD Skoplje i „ELEKTRO UNIVERZAL“ d.o.o. Tuzla ispunjavaju tehničke zahtjeve u pogledu opisa predmeta nabavke i tehničke specifikacije.

Konstatovano je da ponuda ponuđača MZT PUMPI AD Skoplje ima popis dokumenata uz ponudu tj. sadržaj, potpisan od strane ovlaštenog lica ponuđača i ovjerena je pečatom ponuđača, te ima broj i datum, kao i da ponuda ponuđača „ELEKTRO UNIVERZAL“ d.o.o. Tuzla ima popis dokumenata uz ponudu tj. sadržaj, potpisan od strane podnosioca ponude i ovjerena je pečatom ponuđača, te ima broj i datum.

Pojašnjenje u smislu čl. 68. stav (3) ZJN, a koji se odnosi na pojašnjenje dokumenata koje su dostavili u skladu sa čl. 45. do 51. ovog zakona ili da dostave originalne dokumente radi poređenja s kopijom koja je dostavljena uz ponudu, a s ciljem otklanjanja formalnog nedostatka dokumenta – se nije zahtjevalo.

Računskom kontrolom specifikacija ponuda ponuđača MZT PUMPI AD Skoplje i „ELEKTRO UNIVERZAL“ d.o.o. Tuzla konstatovano je da u ponudama ponuđača MZT PUMPI AD Skoplje i „ELEKTRO UNIVERZAL“ d.o.o. Tuzla nema grešaka računske prirode.

Konstatovano je da ponuđač MZT PUMPI AD Skoplje dostavio Potvrdu o primjeni preferencijalnog tretmana domaćeg izdatu od strane Privredne Komore Makedonije broj: 21-1107/3 od 04.07.2018.godine, ali se u ovom slučaju Potvrda o primjeni preferencijalnog tretmana domaćeg ne može primjeniti jer se njegova primjena odnosi na domaće ponude a ne obrnuto. Konstatovano je da je ponuđač dostavio navedenu potvrdu kao dokaz da njegova ponuda ispunjava uslove za isključivanje primjene preferencijalnog tretmana u odnosu na njegovu ponudu iz razloga što je isti sa sjedištem u državi potpisnici CEFTE.

Konstatovano je da ponuđač ponuđač „ELEKTRO UNIVERZAL“ d.o.o. Tuzla nije dostavio Potvrdu o primjeni preferencijalnog tretmana domaćeg.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav (1.) tačka b) ZJN ).

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

**Od strane Komisije za javne nabavke konstatovano je da su prihvatljive ponude slijedećih ponuđača :**

RB.	Ponuđač	Cijena početne ponude bez PDV-a
1.	MZT PUMPI AD Skoplje	64.100,00 KM
2.	„ELEKTRO UNIVERZAL“ d.o.o. Tuzla	68.440,00 KM

E-aukcija je u sistemu e-nabavke zakazana na dan 20.08.2018.godine u 10:00 sati. Iz izvještaja o toku i završetku e-aukcije, koji je preuzet iz sistema e-nabavke, je vidljivo da je e-aukcija trajala od 10:00 do 11:23sati.

**Izvještaj o toku i završetku e-aukcije sadrži i konačnu rang listu ponuđača kako slijedi:**

RB.	Ponuđač	Cijena bez PDV-a
1.	MZT PUMPI AD Skoplje	49.025,90 KM
2.	„ELEKTRO UNIVERZAL“ d.o.o. Tuzla	50.000,00 KM

**Za najpovoljniju ponudu ocjenjena je ponuda ponuđača MZT PUMPI AD Skoplje.**

Komisija je dala prijedlog Ugovornom organu da za nabavku roba: „**Bunarski pumpni agregat za prihranjivanje za P.S. Konaci – Izvorište Bačevo**“ - tender broj 71/18 Lot 1 donese Odluku o dodjeli ugovora ponuđaču: MZT PUMPI AD Skoplje, broj ponude: 2018/211/MM od 20.07.2018.godine, kao prvoplasiranom na rang listi, čija vrijednost ponude iznosi : **49.025,90 KM bez PDV-a.**

Iz gore navedenih razloga, primjenom odredbi člana 64. stav (1) tačka b. Zakona o javnim nabavkama, donesena je Odluka o izboru najpovoljnijeg ponuđača kao u članu 1. ove odluke.

**Pouka o pravnom lijeku :**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :

- Ponuđači
- a/a

v.d. Direktor

  
Azra Muzur, dipl.inž.građ.